



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e-mail: [info@voda.ba](mailto:info@voda.ba)

Broj: **UP-1/21-3-40-576-4/23**  
Datum: **22.02.2024. god**

«Agencija za vodno područje rijeke Save» Sarajevo rješavajući po zahtjevu pravnog lica «LUCIUS» d.o.o. Vitez za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta pogona i postrojenja za reciklažu posebno izdvojenih materijala, prikupljanje i skladištenje opasnog i neopasnog otpada u Vitezu, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj dozvoli**

1. Pravnom licu, «LUCIUS» d.o.o. Vitez daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta pogona i postrojenja za reciklažu posebno izdvojenih materijala, prikupljanje i skladištenje opasnog i neopasnog otpada u Vitezu, izgrađenog u krugu bivšeg preduzeća „IMPREGNACIJA-HOLZ“ d.o.o. Vitez, na zemljištu označenom kao k.č. broj: 1531/1, 1531/3, 1531/4 i 1531/5 K.O. Vitez, općina Vitez.
2. Objekti i postrojenja na zemljištu uz desnu obalu Tolovskog potoka, čija je rekonstrukcija u svrhu privođenja namjeni u toku, nisu predmetom ove vodne dozvole.
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
  - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
  - 3.2. Ova vodna dozvola se odnosi na objekte i postrojenja na zemljištu uz lijevu obalu Tolovskog potoka.
  - 3.3. Da se, za vrijeme trajanja ove dozvole, obezbjeđuje da se tehnološke i oborinske onečišćene otpadne vode sa radnih, saobraćajnih i manipulativnih površina, nesmetano sakupljaju i odvođe do objekta predviđenog za tretman otpadnih voda (separator ulja i masti), a zatim ovako tretirane vode, preko okna za monitoring, ispuštaju u Tolovski potok, sa krajnjim ispustom u rijeku Lašvu.
  - 3.4. Da se u roku od 6 mjeseci od dana izdavanja ovog rješenja ugradi vodonepropusna tankvana ispod nadzemnog rezervoara za pogonsko gorivo, u cilju sprječavanja incidentnih zagađenja. Zapremina tankvane ne smije biti manja od zapremine rezervoara.
  - 3.5. Da se rabljena ulja i emulzije skladište u odgovarajućim posudama u namjenskoj prostoriji i na odgovarajući način, u cilju sprječavanja nekontrolisanog rasipanja sadržaja na okolni teren.
  - 3.6. Prečišćene vode, prije ispuštanja u recipijent, moraju ostati u maksimalno dopuštenim granicama definisanim članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
  - 3.7. Objekte čija je svrha odvođenje i prečišćavanje oborinskih onečišćenih i tehnoloških otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.

- Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.8. Korisnik objekata je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz oba okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
  - 3.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
  - 3.10. Talog iz separatora, kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotoke i na njegove obale.
  - 3.11. Da se u skladu sa propisima iz oblasti zaštite okoliša vrši bezbijedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija u tlo i vode).
  - 3.12. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
  5. U periodu važenja ove dozvole, Korisnik je dužan provoditi sve mjere i aktivnosti propisane istom.
  6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
  7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
  8. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
  9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
  10. U ovoj upravnoj stvari plaćene su sve upravne pristojbe.
  11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
  12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
  13. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

## Obrazloženje

Pravno lice, «LUCIUS» d.o.o. Vitez, dana 18.12.2023. godine, podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta pogona i postrojenja za reciklažu posebno izdvojenih materijala, prikupljanje i skladištenje opasnog i neopasnog otpada u Vitezu, izgrađenog u krugu bivšeg preduzeća „IMPREGNACIJA-HOLZ“ d.o.o. Vitez, na zemljištu označenom kao k.č. broj: 1531/1, 1531/3, 1531/4 i 1531/5 K.O. Vitez, općina Vitez.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 051-0-RegZ-23-001141 od 16.08.2023. izdatog od Općinskog suda u Travniku,
- Ovjerena kopija Uvjerenja o registraciji poreznog obveznika od 20.07.2018. izdatog od Porezne uprave FBiH-Kantonalni porezni ured Novi Travnik,
- Dokaz o uplaćenju upravnoj taksi,
- Kopija Ugovora o zakupu poslovnog prostora zaključenog dana 01.08.2021. između Zakupodavca POSREDOVANJE IMPREGNACIJA vl. Matija Marjanović iz Viteza i Zakupca «LUCIUS» d.o.o. Vitez,
- Kopija Rješenja o odobrenju za uporabu (dogradnja poslovno-skladišnog objekta – HALA 1) broj: UP I 06-19-5-1055/21-1 od 07.02.2022. izdatog od Službe za imovinsko pravne poslove, katastar i urbanizam Općine Vitez,
- Kopija Rješenja o odobrenju za uporabu (dogradnja poslovno-skladišnog objekta – HALA 2) broj: UP I 06-19-5-1055/21-2 od 07.02.2022. izdatog od Službe za imovinsko pravne poslove, katastar i urbanizam Općine Vitez,
- Kopija Rješenja o odobrenju za uporabu (dogradnja poslovno-skladišnog objekta – HALA 3) broj: UP I 06-19-5-1055/21-3 od 07.02.2022. izdatog od Službe za imovinsko pravne poslove, katastar i urbanizam Općine Vitez,
- Kopija Rješenja o okolišnoj dozvoli broj: UPI 05/2-23-11-222/18 od 21.12.2018. godine izdatog od Federalnog Ministarstva okoliša i turizma,
- Kopija Rješenja o ispunjavanju uslova tehničke opremljenosti poslovnih prostorija za obavljanje djelatnosti prikupljanja, prerade i proizvodnje otpadnih materijala i sekundarnih sirovina broj: 03-21-2322/18 od 14.09.2018. godine izdatog od Ministarstva privrede Srednjobosanskog kantona,
- Kopija Rješenja o izdavanju dozvole za aktivnosti male privrede u upravljanju otpadom broj: 07-19-6979/23 od 28.07.2023. godine izdatog od Ministarstva prostornog uređenja, građenja, zaštite okoliša, povratka i stambenih poslova Srednjobosanskog kantona/Kantona Središnja Bosna,
- Kopija Rješenja o vodnoj dozvoli broj: UP1-06-21-8793/2023 od 26.10.2023. godine izdatog od Ministarstva poljoprivrede, vodoprivrede i šumarstva Srednjobosanskog kantona/Kantona Središnja Bosna,
- Kopija Rješenja o vodnoj dozvoli broj: UP-I/25-3-40-577-4/18 od 16.01.2019. godine izdatog od «Agencije za vodno područje rijeke Save» Sarajevo,
- Kopija Ugovora o izvođenju radova (čišćenje separatora i odvoz otpadnog mulja i taloga) broj: 052/24-DS zaključenog dana 10.01.2024. sa «DELTA PETROL» d.o.o. Kakanj,
- Kopija Transportne dokumentacije za otpad sa fakturom (otpadno ulje i masti, emulzije, zauljen otpad i ostaci od goriva) od 15.01.2024. izdata od «DELTA PETROL» d.o.o. Kakanj,
- Operativni plan mjera u slučaju vanrednih i incidentnih zagađenja, avgust 2022. godine, urađen od «Inspekt-RGH» d.o.o. Sarajevo (na uvid),
- Izvještaj o monitoringu kvaliteta i kvantiteta otpadnih voda za objekat «LUCIUS» Vitez broj: 1278/23., septembar 2023., urađen od «Inspekt-RGH» d.o.o. Sarajevo (na uvid),
- Godišnji Izvještaj o monitoringu kvaliteta i kvantiteta otpadnih voda za objekat «LUCIUS» Vitez za 2022. godinu broj: GI-30/23., mart 2023., urađen od «Inspekt-RGH» d.o.o. Sarajevo (na uvid),
- Projekat izvedenoga stanja u svrhu pribavljanja vodne dozvole broj: 1504-P/2018, juni 2018., urađen od «URBIS CENTAR» d.o.o. Banja Luka (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-576-2/23 od 15.02.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni kompleks objekata izgrađen je uz magistralnu saobraćajnicu M-5, u ul. Stjepana Radića bb u Vitezu. Kompleks čine administrativni objekat, hala prodaje, hala reciklaže specijalnih vrsta otpada i skladištenje recikliranog otpada, skladišni objekat, manipulativne, radne, skladišne i parking površine, separator ulja i masti, biološki uređaj, nadzemni rezervoar za gorivo V=6000 l sa automatom za istakanje.
- Kompleks objekata je izgrađen u krugu bivšeg preduzeća «Impregnacija-Holz» d.o.o. Vitez.
- U toku uviđaja je utvrđeno da su u toku radovi na rekonstrukciji 4 objekta koji su locirani zemljištu uz desnu obalu Tolevskog potoka. Ovi objekti i aktivnosti nisu obuhvaćeni ovom vodnom dozvolom.
- Za predmetni kompleks ranije je od strane ove Agencije, doneseno Rješenje o vodnoj dozvoli broj: UP-1/25-3-40-577-4/18 od 16.01.2019. Utvrđeno je nije bilo izmjena u odnosu na naprijed pomenutu vodnu dozvolu, u smislu načina prikupljanja i tretmana i ispuštanja oborinskih onečišćenih i tehnoloških otpadnih voda.
- Uz jedan od objekata, na asfaltiranom dijelu platoa, je postavljen rezervoar za gorivo V=6000 l sa automatom za istakanje.
- Snabdijevanje vodom za sanitarne i tehnološke potrebe za cijeli kompleks obezbijedeno je priključkom na gradski vodovodni sistem kojim upravlja JKP «VITKOM» d.o.o. Vitez. Sanitarno fekalne vode iz toaleta za uposlene se prikupljaju zasebnim kanizacionim sistemom te odvođe na tretman u biološki uređaj na bazi aktivnog mulja. Za korištenje vode i ispuštanje sanitarno-fekalnih otpadnih voda, od strane Ministarstva poljoprivrede, vodoprivrede i šumarstva Srednjobosanskog kantona/Kantona Središnja Bosna, izdato je Rješenje o vodnoj dozvoli broj: UP1-06-21-8793/2023 od 26.10.2023. godine.
- Sve radne, manipulativne i saobraćajne površine su uređene i asfaltirane sa riješenim sistemom odvodnje onečišćenih voda.
- Tehnološke otpadne vode nastale pranjem poda i radnih površina objekta za reciklažu posebno izdvojenih materija se zajedno sa oborinskim vodama sa platoa, radnih i manipulativnih površina i manipulativnih površina koje mogu biti onečišćene naftom i naftnim derivatima, prikupljaju kanizacionim sistemom sa slivnim rešetkama i odvođe na tretman u separator ulja i masti sa koalescentnim filterom. Prečišćene vode se preko okna za monitoring ispuštaju u Tolovski potok.
- Čišćenje separatora masti i ulja se radi redovno od strane ovlaštene firme.
- Za predmetni kompleks je od strane Federalnog Ministarstva okoliša i turizma izdato Rješenje o okolišnoj dozvoli broj: UPI-05/2-23-5-222/18 od 21.12.2018. godine.
- Reciklirani materijal se odlaže u posebne kontejnere smještene u manipulativnom dvorištu do otpreme, a skladištenje starog otpadnog ulja i maziva se vrši u posebnim bačvama odnosno kanisterima u natkrivenom dijelu skladišnog objekta. Takođe u istom prostoru se skladište i akumulatori u odgovarajućim posudama.
- Prikupljene sekundarne sirovine se transportuju na dalju preradu, a otpad na zbrinjavanje.
- Monitoring otpadnih voda se radi redovno. Na uvid je dostavljen Izvještaj o monitoringu kvaliteta i kvantiteta otpadnih voda za objekat «LUCIUS» Vitez, septembar 2023., te Godišnji Izvještaj za 2022. godinu urađeni od «Inspekt-RGH» d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11

i 88/12) i Odlukom o visini posebnih vodnih naknada („Službene novine Federacije BiH“, broj Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «LUCIUS» d.o.o. Vitez, ispunio minimum uslova za izdavanje vodne dozvole aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-576-3/23 od 19.01.2024.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.inj.

Po ovlaštenju  
Rukovodilac sektora za izdavanje vodnih akata



*Haris Ališehović*  
Haris Ališehović, dipl.ing.građ.

Dostaviti:

- «LUCIUS» d.o.o.  
Stjepana Radića bb, 72250 Vitez
- AVP Sava, ISV-vodna knjiga
- Sektor 50
- ⊖ Sektor 40 – arhiva
- oglasna ploča – AVP Sava